

螢幕蓋字：如果可以收集到微氣候數據…

場景：阿媽拎住啲衫企喺露台前面諗緊掛唔掛啲衫出去曬好

媽： 唉，近排天氣咁反覆，都唔知拎唔拎啲衫出去露台曬好…

萬一轉頭落大雨點算？

（阿媽煩惱中）

阿仔聽到阿媽咿咿吟吟後行埋去搭嘴

仔： 洗乜咁煩惱呀！

直接上政府開放數據網站《資料一線通》（data.gov.hk）嘅《城市儀表板》（City Dashboard）睇睇咪知囉！

屋企附近嘅降雨量、氣溫、濕度等等都有齊晒。

坊間仲有啲手機apps，會利用呢啲資訊提大家門窗、收衫、調節抽濕機嘅開關，又或者天氣轉涼同翻風嗰陣提醒你著多件衫！

媽： 但平時天氣報告最多分區之嘛，邊會分到我哋屋企呢頭咁細範圍呀？

（阿媽懷疑中）

仔： 呢個就全靠屋企對出裝咗啲智慧燈柱嘞，燈柱上面嘅氣象感應器會收集燈柱附近嘅天氣數據，所以先可以畀我哋查到特定街道或小範圍地區嘅天氣狀況。

媽： 嘩……唔講都唔知啲燈柱有咁好嘅功能

（阿媽讚嘆模樣）